

تورک تاریخ انجمنی

مجموعی

۱ ایلول
۱۳۴۰

اون دردنجی سنه
نومرو ۵ (۸۲)



علاءالدین بك

آنادولوده بربرینی متعاقب توره بن ، هربری تورك وارلغنی بك جانلی كوسترن تورك حكومتلرینك مبادی احوالی كبی عثمانلی دولتنك اوائل ظهوری ده بك چوق مجهولات ایله دولودر. تورکیه تاریخنده بوجھولاتی طاشیان دوریه (دوره مجهوله) آدی وریله بیلیر .

شو دوره مجهوله نك دائره شمولی او قدر اوزوندركه عثمان غازی دورندن ایکنجی بایزید خانك جلوسنه قدر ایکی عصری احاطه ایده بیلیر .

بو قدر اوزون سورن شو دوره مجهوله ده او قدر تورك ارنلری واردركه عثمانلی دولتی، انجاق بونلرك ابراز ایتدكلری یوكسك خدمتلیله بارلادیغنی حالده نه یازقدركه بوقهرمانلرك آدلری بیله عثمانلی تاریخنده كوروله من .

ینه شو دوره مجهوله اشناسنده جریان ایتش بك چوق وقایع تاریخیه واردركه بونلرك بر طاقم آمال شخصییه او عریده یا تمامیه صحیفه انامدن قالدیریش ، یا خود بك چوق تحریقاته او غرادیلش اولدیغنی تحریات و تنبغات عمیقہ میدانہ چیقارمقده در. بو قدر مجهولاتی ، الده موجود اولان تاریخلریمزدن آكلاماق قابل دكلدر . بونلری كشف وتنویر ایده جك منابع تاریخیه بك محدود بر حالده اولقله برابر بونلری بیله الده ایتك خیلی همتلر صرفه محتاجدر .

بوجھولات تاریخیه دن بری ، حتی توزکیه تاریخنه نسبتله بك مهمی ، عثمان غازی نك مخدوم اكبری (علاءالدین بك) در . تورکیه تاریخنده علاءالدین بك ، بر شخصیت مهمه در . بونكه برابر ترجمه حالی ، مدقق بر مورخی اقتبائه کافی اولامایان روایات ایله مالیدر .

چونكه سلطان عثمانك ارتحالنده علاءالدین ، اورخان ، ساوجی دیمكه مشهور

اوج، حتی سلیمان ایله دورت اوغلو قالمشدی . تتبعات تاریخیہ بڑہ کوستریورک ایکی اولکیلر، بدرلرینک ارتحالندن صوکرہ امارت خصوصندہ نزاعہ قیام ایتشلردر . علاءالدین بک، سنّا اکبر، عرفاناً برتر اولدینی مناسبتله قانی تورکلرینک نظرندہ یوکسک برآردی . بونک ایچون کندیسنه رقیب و معارض اولان برادری اورخان بک قارشی برقاچ بیل امارت و سلطنت ایتش، عثمانی تاریخندہ ایکنجی پادشاه عنوانی آلاجق بر موفقیت کوسترمشدی .

ایشته بوندن دولای عثمانی تاریخندہ علاءالدین بک امارتی تمامیلہ طی ایدیلرک پدر و برادرینک وزیری شکلندہ و (پاشا) عنوانیلہ نامی یاد ایدیلش، بوتون وقایع جاریہ تحریفاته اوغراتیلش، اورخان بکدن بیله کوچوک کوستربلشدر . سلطان عثمان و اورخان بکلرک وزارتی مقامندہ تورکلک بک بویوک خدمتلی سبق ایتش بر (علاءالدین پاشا) وار ایدی . سلطنت عثمانیہ نک ایلک تأسسندہ کرک بوذانک و کرک پدرینک دکرلی همتلری دوقونمشدی .

مورخلریمز، مجرد لقب مشابہتندن دولای بو وزیر فاضل (علاءالدین پاشا) بی شهزاده طانیتمشلر، شهزاده (علاءالدین پاشا) دیمشلردر . حال بوک قیود شرعیہ، امیر کبیر اولان (علاءالدین بک) ک باشقا، وزیر اولان (علاءالدین پاشا) نکده باشقا بر ذات اولدقارینی کوسترمکده در .

عثمانی تاریخنک شو صنیعہ سی کوستریورک عثمان غازی اولادی اراسندہ امارت نزاعی اولش، بک چوق وقعلر جریان ایتش، حتی بک محتملدرک فتح ایدیلن یرلردن بعضلری ده بومنازعلر انسانندہ الدن کیتمشدر .

علاءالدین بک آدی سلیمان بک کبی تورکیہ تاریخندن قالدیریلمازدی . چونک امیر مشارالیهک مشاہیر اولادندن محمود، تیمور اسماعیل، خضر بکلرله اولادی، جدلرینک اوقافنه متولی اولمش، مجالس عالیہ و محاربات مهمده اثبات وجود ایدرک جدلری علاءالدین بک وارلغنی کوسترمشلردی .

قدمای مورخنک کوزلری اوکنده بولونان بونلرک حیات ونفوذی، امیر مشارالیه علاءالدین بک تورک تاریخندہ بر موقع تأمین ایدم بیلش ایسده اوموقع، برطام صنی روایتلرله اهمیت اصلیه سندن اسقاط ایدیلش اولدینی اکلاشیلر . عاجزلری، بورادہ ممکن اولدینی قدر اوروايتلرک اساسلرینی تدقیق و محاکمہ

ایده رك امیر مشارالیهك ترجمه حالى الده ایده بیلدیکم و ناته استناداً تحریر و اودوره
مجهوده مظلم قالمش بروقه مهمه یی نور ایتمکه چالیشدم .

۰۰۰

علاءالدین بك — عثمانلی سلطنتك مؤسی اولان عثمان غازینك مخدومی
و اورخان غازینك لایون برادری اولدیغنده بوتون مورخلریز متفقدر . انجاق
بویکی برادرک هانکیسی بویوک اولدیغنده اختلاف ایتمشلدرد .
بواختلافی بیلدیرن روایتلر تدقیق ایدیلیرسه باشلیجه اوچ ادعا میدانه چیقار .
برنجی ادعا ، علاءالدین بك اکبر اولاد اولمیدر . ایکنجی ادعا ، اورخان بك
بویوک اولمیدر . اوچنجیسی ده هانکیسینك بویوک اولمسنده تردد ایدیلیدر .
برنجی ادعای التزام ایدنلردن و سلیمان قانونی بکلرندن زعیم محمدبك ، نور
عثمیه کتبخانهسنده (۳۳۷۰) نومروده مقید (جامع التواریخ) آدی اثرنده
« اورخان غازیدن بزرکتر علی پاشا نام برادری وار ایدی » دیرک علاءالدین بك
اورخان غازیدن بویوک اولدیغنی یارییور .

ارباب تاریخك مدققلرندن عالی چلبی ، اسعد افندی کتبخانهسنده (۲۱۶۲)
تومروده مقید (کنه الاخبار) آدی اثرنده دیورکه : « فرزند امجدلری کهتر
اولادی که اورخان غازی ایدی . دایما اطراف وجوانیه سپهسالار کوندرلر ایدی
و علاءالدین پاشا نام ولدر شیدینی وزارت خدمته استخدام بیورورلر ایدی . و بر
اوغلی دخی ساوجی بیک ایدی » (ج ۲ ص ۲۶) .

صولاقزاده همدی محمد افندی تاریخ مطبوعنده « و علاءالدین پاشا که بیوک
اوغلودر والدهسیله بلجیکده شیخ اده بالی خدمتده قویوب » (ص ۱۱) .
منجم باشی درویش احمد افندی کتبخانه عمومی ده (۲۴۱۳) نومروده مقید
(جامع الدول) آدی اثرنده عربی قلمله بو مسئله یی داها اطرافلی یازیورکه
ترجمه سی شودر :

« شیخ اده بالی ، کریمه سی مالخون خاتونی عثمان غازیه تزویج ایتدی . عثمان
غازی وجه شرعی اوزره مرادینه ایردی . مالخون خاتوندن اوغللری علاءالدین پاشا
و اورخان غازی دوغدی » (ج ۲ ص ۸۵۶) .

و ۷۰۱ ده عثمان غازینك بلده لره بکلر تعین ایندیکنی بیاندن صوکره « بویوک
اوغلی علاءالدین پاشای بيله جك قلعهنده والدهسیله برابر جدی شیخ اده بالی

خدمته تعيين و بيله جك و ملحقانك محصولى شىخ مذ كورايله فقراسنك حوايجنه
تخصيص ايلدى » (ج ۲ ص ۱۶۰) .

قدماى مورخيندن عاشق زاده پير احمد چلبى تاريخ مطبوعسده علاءالدين
اورخان بكرك هانكيسى بويوك اولديغه دائر صريح بر معلومات ريره ميورسده
علاءالدين بكك بويوك اولديغه اشارت ايتكمده در صره سى كلكجه بو اشارت
كوروله جكدرد .

عرب مورخلرندن جمالالدين يوسف القاھرى ايله شهابالدين احمد ابن حجر
اورخان بكى علاءالدين بكك مخدومى كوسترمك صورتيله علاءالدين بكك بويوك
اولديغى اكلاتماق ايسته يورلر .

ايكنجى ادعاى الترام ايدنلردن مولانا ادريس بدليسىء نور عثمانيه كتيخانه سنده
متعدد نسخهلرى موجود اولان (هشت بهشت) ادلى اثرنده عثمان غازينك ارتحالنده
متروكاتى تقسيم وقعه سنى بيان ايدر كن « هراپنه بعد از اطمينان خواطر از اين قسم
ميراث مالى و قطع نظر از تملك و تحوّل اموال و املاك مالى علاءالدين چلبى از كمال
خرد مندى و قوت مسلمانى » ديد كدن صوكرا

« واما منصب رفيع خلافت و خلفى مرتبت عدل و نصفت رابموجبى كه در زمان
والد مغفور برادر بزرگ اورخان بيك مقدم و ملتزم بود » ديهرك اورخان غازى ،
عثمان غازينك بويوك اوغلو و (علاءالدين چلبى) ده كوچوك اوغلو اولديغى يازيپوره
اسبق شىخ الاسلام كال پاشا زاده احمد شمس الدين افندى ده ملت كتيخانه سنده
تاريخ قسمك (۲۵) نجى نومروسنده مقيد تاريخنك برنجى دفترنده شويله يازيپور:

ايكى اوغلى قالشيدى آشكار	برى اورخان و على پاشا برى
مقبل و مقبول خلق اوغلى قالان	ابتر اولمز دنپده قالور ىرى

رؤس خدم و وجوه حشم، اولو اوغلى ارخانى رياسته لايق كورديلر اتفاقله
انى سلطنت سررينه كچورديلر » و « ارخان غازى كجى قرنداشى على پاشاي ياننده
وزير ايتك استدى .

مولانا محمد بن مصلح الدين اللارىء نور عثمانيه كتيخانه سنده (۳۱۵۶) نومروده
مقيد (مرآت الادوار و مرماة الاخيار) ادلى اثرنده « وفرزند خورد خودر اعلاءالدين

نام در بلجوك نزد والده گذاشت ، ديهرك علاءالدین بكك كوچوك اولديغنی بیان ایدیور .

اوچنجی فکری التزام ایدنلردن اسبق شیخ الاسلام خواجه سعدالدین افندی (تاج التواریخ) آدلی اثر مطبوعنده « وفرزند ارچندی علاءالدین پاشای والده ماجده سی ایله بله جکده شیخ اده بالی خدمتنده قیوب » (ج ۱ ص ۲۱) دیور . ایکی برادر دن هانکیسنگ بویوك اولدیغنی تصریح ایتیور .

نشانجی زاده شیخی محمد افندی ، نور عثمانیه کتبخانه سنده (۲۴۲۰) نومروده (مرآت الکائنات) آدلی تاریخنده « علاءالدین پاشا که پادشاهک لاب وام برادری اولوب » (ج ۳ ص ۴۵۹) وقره چلی زاده عبدالعزیز افندی ، ینه او کتبخانهده (۳۱۴۹) نومروده مقید (روضة الابرار) آدلی اثرنده « اده بالی حضر تلرینک بالا خاتون نام دختر سعد اخترلین انیس خلوتخانه زقاف ایدوب سلطان اورخان وعلاءالدین پاشا اول عقیفه مشیمه رحندن ودماء الحیوة شهوده ورود ایتشلردر . » دیورلر . وهانکیسنگ بویوك اولدیغنی تصریح ایتیورلر .

او زمانک مورخلرندن مشهور مصطفی جنابی افندی (العلیم الزاخر) آدلی اثرنده وبوزانه پرواولان بك چوق مورخلر ، علاءالدین بکه دأر معلومات تاریخیهی یسود کورمش اولمیدرلر که تاریخلرندن بیله قالدیرمشلردر .

علاءالدین بكك بویوك ، یاخود كوچوك اولدیغنه دأر بورایه قدر سردایدیلن مورخلریمزك خلاصه مدعیات وقولی بونلردر شایان دقتدرکه شو مورخلریمزك هربری ، عثمان غازیك زمانندن بر قاج عصر صوکره گلش ذواتدر .

بونلر ، او دوره عائد یازدقربی توثیق وتأیید ایتك لازم کلیرکن هیچ بریده بونی یامامشلردر . شو حالده سوزلرینك برر اعدادن عبارت اولدیغنی قبول ایتك ضروریدر .

انجاق ایکنجی ادعایی درمیان ایدنلردن مولانا ادریس ایله کمال پاشا زاده ، ایکنجی بازید خان طرفندن عثمانلی تاریخنی تحریره مأمور ، ادریسك یازدقربی کمال پاشا زاده معارض اولدقربی حالده بومستلده هرایکیسنگده اتفاق ایتلمی هرحالده ایکنجی بازید خانك تلقیناته محمول اولابیلیر . مرآت الادوار صاحبی لاریده بونلره متابعت ایتمش اولور .

او چىنچى فكىرى درمىيان ايدنلر تدقيق ايدىلىرسە بونلرك بو مسئله دەكى تردد ايتلىرى ، مقام سلطنتە قارشى اولان حرمتلرندن نشئت ايتىش برسكوت معنيدارى آكلاتير. چونكە بونلرك اوافادە لرندن علاءالدين بكك بويوك اولديغى ، اورخان غارىبك برادرينه قوتلە تقدم ايتدىكى اكلاتيلير.

معلوم اولديغى اوزرە او زمانلردە (پاشا) عنوانى مطلقا وزارتى احراز ايدنلرە تخصيىص ايدىلىش بر عنوان رسمى دكلدى. بلكە پاشانك معناسى اعتباريلە سنا بويوك ، عرفاناً بويوكسك ، رأى وتديرى مصيب ، هروجهلە باشە لايىق اولانلرە لقب ويريليردى. او زمانلردە نجه پاشا چلييلر واردى كە هيچ برى دە مقام وزارتى احراز ايتىش دكللردى.

ايشتە بومورخلرك علاءالدين بكى (پاشا) عنوانيلە ياد ايتلىرى دلالت ايدىيور كە علاءالدين بك ، اورخان غازيدن بويوكدى . آنجاق سلطان اورخان واولادى صرە سيلە مقام سلطنتى احراز ايتلرينە قارشى علاءالدين بكى بويوك كوسترمك ، سؤ تلقى يە اوغرار واهمە سيلە تصريحدن اجتناب ايتدىكرى بك محتملدر . شو حالده علاءالدين بكك ا كبر وارشد اولديغى التزام ايدن برنجى فرقه نك ادله سى ، روايات متواترە وبقول ثقات ديمكدر .

خصوصيلە ميراث تقسيمى مسئله سنده محقق اولان نزاع ، بك آچىق كوسترييور كە علاءالدين بك ، اورخان غازيدن هر حالده بويوكدى . ا كر كوچوك اولسايدى ، نە او نزاع مشهورە ، نە دە قورتول درە سنده جريان ايدن حرب خفيصە حاجت قالمازدى . بناءً عليه : علاءالدين بكك اورخان غازيدن بويوك اولديغى قناعت ايديله بيلير .

علاءالدين بكك والده سى ، بوتون مورخلرك اتفائيله شيخ اده بالى كرىمە سى (مالخون) ، ياخود قرە چلبى زاده نك يازديغى كى (بالاخاتون) ديمكە اشتهار ايدن رابعە خاتون (صولاق زاده ص ۸) در . علاءالدين بك ، بوخاتوندن هر حالده (۶۷۸) سنە هجرىه سندن اول دوغمشدر .

چونكە اورخان غازينك تاريخ تولدى ، ا كثر مورخينك قبولى اوزرە (۶۸۰) وعالى چليينك مختارى اوزرە (۶۷۸) سنە سيدر . شېه يوقدر كە اورخان غازيدن

بو بوك اولان (علاءالدین بك) بوتاریخدن مقدم دو غمش اولدیفنه صحیح نظریله باقیلیر. تاریحا معلومدرکه عثمان غازی دورنده معتاد اولدینی اوزره بوتون رجال ، بهاءالدین ، جلالالدین ؛ شجاعالدین کبی دینه مضاف اولان لقبیله ملقب اولورلردی. مثلاً : عثمان غازی ، اسپرجه خاتونک وقفیه سنده (معینالدین) واورخان غازی ده ابن بطوطه سیاحتنامه سنده (اختیارالدین) لقبی آلمشلردی. بوکی لقبیله ملقب اولانلرک مطلقا بر آدلری واردی. شوخالده (علاءالدین) لقبیله بك مشهور اولان صاحب ترجمه نك البته بر آدی اولاجقدر. عجبا بوذاك آدی نه ایدی؟

شو مهم سؤالك جوانی یالكز كال پاشا زاده ویریور. یوقاریده یازیلان « ایکی اوغلی قالمشیدی آشکار بری اورخان وعلی پاشا بری » بیتیه علاءالدین بكك آدی (علی) اولدیفنی بیان ایدیور. دیگرلری ده بونك تاریخدن آلمش اولدقلری آکلاشیلور.

مورخ مشارالیهك فکرینه کوره علاءالدین بكك آدی (علی پاشا) در. مرحومك بوآدی زه دن اوکرندیکنی بیله میورز ؛ آنجاق ادریس بدلیسی ، علاءالدین بكك (علاءالدین چلبی) دیمشدی . کال پاشا زاده بوکا معارض اولارق (علی پاشا) دیمش اولدینی ظن اولونور . چونکه زمانده معتاد اولدینی اوزره (علاءالدین) لقبی اولانلرک آدی (علی) اولوردی.

ایکنجی بر احتمال داها خاطره کلکده در. (بری اورخان وعلی پاشا بری) مصر اعنده (علاءالدین پاشا) دیسهیدی، وزنه صیفمازدی. علاءالدینی صیفدی رماق ایچون (علی پاشا) دیمکه ضرورت وزن ایچون لزوم کورمش اولسون! عرب مورخلری امیر مشارالیهك آدینی (اردن علی) دیه ضبط وقیدایتمشلردر. علامه شهابالدین احمد ابن حجر العسقلانی، کوپرلی کتبخانه سنده ۴/۳۰۰ نومرولرده مقید (انباء القمر من ابناء العمر) آدلی اثرینک جلد اولنده برنجی مرادخونکارک ترجمه حالنده علاءالدین بکی « اردن علی بن عثمان » ویلیدیرم بایزید خانک ترجمه حالنده « علی بن عثمان » دیه کوستیریور .

مورخ مشهور جمالالدین القاهری ده نور عثمانیه کتبخانه سنده (۳۴۲۹) نومروده مقید (المهل الصافی والمستوفی بعد الوافی) آدلی اثرنده ییلدیرم خانک ترجمه حالنده

« اردن على بن عثمان » (ج ۲ ص ۵۱۱) واىكنجى مراد خانك ترجمه حالنده كذلك « اردن على بن عثمان » (ج ۱ ص ۴۱۴) ديه ضبط ابدىيور . شو ايكى مورخ ، علاء الدين بكك وفاتندن تقريباً اونوز ، قرق ييل صوكرا تولد ايتمش مدققلردر . شو ايكى ذاتك قيدرلندن مستبان اولور كه علاء الدين بكك آدى (اردن على بك) در . كال پاشا زاده ، بونلرك قيدينه مطلع اولسايدى ، هر حالده يالكنز (على) آدينى يازماز ، (اردن على پاشا) دير ، بونلرك يازدققلرندن براز اولسون معلومات ويريردى .

شبهه يوقدر كه (اردن) آدى ترجمه در . على ، امير مشاراليهك آدى اولدينى تقديرده (اردن) لقبى اولور . لكن تورك عادت قديمهسى اوزره (اردن) آدى اولورسه - كه قاي غنغنهسى بونى ايجاب ايدر - هر حالده (على) آدى (علاء الدين) لقبندن اختصار ايديش اولور .

چونكه توركيده امير مشاراليهك لقب مشهورى (علاء الدين) در . بولقب ايله اميرك اشتهاى ، اوقدر تعم ايتمشدر كه آدينك (على) اولديغنه كيمسه واقف اولاماشندز . على آدينى قبول ايتديكمزده مشاراليهك آدى (علاء الدين اردن على بك) ديمكدر . بوتقديرده (اردن) آد اولماز ؛ لقب اولور .

شو حالده صاحب ترجمه ايكى لقبلى اولور : برى عربجه (علاء الدين) ، ديكرى توركجه (اردن) . كرك اوزمانك وكرك انذن صكره زمانمزه قدر جريان ايدن عادات مليه مزده بويله ايكى لقبلى رجاله اندر تصادف ايديله جككندن (على) آدينك (علاء الدين) دن مختصر اولديغنى قبول ايتك ايجاب ايدر . بوتقديرده امير مشاراليه (علاء الدين اردن بك) ديمك اولور .

اردن - كردن وزنشدن اسكى تركجه مزده بك مستعمل ، ديلزده احياسى الزم برلكهدر . لفه فاضل ، راجح ، قيحدار ديمكدر . صوكره قيمتدار اينجى به علم اولمشدر . تورك ديلي علماسندن جمال الدين ابو القاسم احمد بن محمد بن مهنالحنفى الرفاعى (حلية الانسان) آدى اثر مطبوعنك (ص ۱۸۰) سنده « الدر - اردون » دييور .

لكن فيض الله افندى كتبخانه سنده (۱۰۳۷) نومروده مقيد (غنية الفتاوى) آدى برفوا كتابنك صوكنده ايكى بياض صحيفه نك ايكنجيسى نهايتارنده مسطور

اولان بر ضبط دعوی ، عباره سی عاجز لرینی خیلی دوشوندوردی امیر مشارالیهک
آدی (اوغوزخان) اولدینی فکرینی ویردی . بر قلم تعلیق ایله یازیلان عباره
عیناً شودر :

« المدعی موسی بن اغوز خان المتکمن فی قرية بالحوره المدعی علیه -
« رحمانیک بن اورخان والمدعی به الفرس الاحمر والشهود مصطفی بن اغوزخان
« وحسین بن طور الحیاط ومحمد بن مصطفی بن قوین »
بوضبط دعوانک ترجمه سی شودر :

« مدعی بالحوره قریه سنده مقیم اغوزخان اوغلی موسی مدعی علیه »
« اورخان اوغلور رحمانیک ومدعا به طور آت ، شاهدلرده اغوزخان اوغلو »
« مصطفی وطورد اوغلو ترزی حسین وقوین اوغلو محمد بن مصطفی »
خاطره کلیر که مدعی ، بالحوره قریه سنده مکینانه اقامت ایدن اغوزخان اوغلو
موسی چلبی ، صاحب ترجمه علاءالدین بکک اوغلورد . مدعی علیه ده مشهور
اورخان غازینک مخدومی (رحمان بک) درکه توارنج عثمانیه بونی ، عبدالرحمن
غازینک اوغلو کوستر مکده در .

بو دعوا به برنجی شاهد ، مدعی موسی چلبینک برادری (مصطفی چلبی)
درکه دیگر ایکی شاهدله برابر تسویر مدعا ایچون قردادشی لهنده شهادتک
استماعنه برمانع شرعی یوقدر .

بالحوزه قریه سنک نه طرفده ، هانکی قضا داخلنده اولدینی خیلی آراشدیردم
بروسه و ادرنده اقامت ایدن بعض رفقادن مکتوبلرله صوردم . بر شافی جواب
آلامادم . صوکره وقفیه لری قاریشدیردم . خیلی تدقیقانه کیریشدم . نهایت سلطان
اورخانک شهزاده سی سلیمان بکک وقفیه سیله سلطان سلیمان خانک وقفیه سندن
اکلاتیلیر که (بالحوره) قریه سی ، کلیولی سنجاغی داخلنده قاری بابا ناحیه سنده
اولوب لواء مزبور داخلنده اجه اوواسی ناحیه سنده (مصطفی چلبی) وأورشه
ناحیه سنده (موسی چلبی) آدرلیله مشهور ایکی قریه واردر . بونلرک هبسی ده
اوقاف سلیمانیه دندر .

شهزاده سلیمان بکک وقفیه سنده بولایر حوالی سنده کائن قرای موقوفه سنک
حدودینی بیان ایدرکن « وماوراء هذه الدائرة المذكورة اراضی قریه موسی » و فی بعض
اراضیا قریه یورجلی ، و کراسه قریه موقوفه سنک حدودینی بیان ایدرکن ده

« وهذه القرية المذكورة منفردة فى موضع واحد وحدها الشرقى فى مواضع معروفة عندها هاليها وغيرهم من الاودية والقلال متصلة باراضى قرية خوره حتى يتهى الى البحر » (فتر روم ايلي ۴ ص ۱۶۱)

سلطان سليمان خان قانونى وقفه سنده عين موقعه كى قرانى تعداد و بيان ايدركن « وقرية كونيلو وقرية بالى تابع م قرية باير » و كليولى لوانسه تابع اجه او واسى ناحيه سنده « وقرية صارو مصطفى چلبى » واورشه ناحيه سنده « قرية يوركلو » قرية مرسللو، قرية قوينلو، قرية مارول نام ديكر بابام، قرية حيدرلو، قرية صاغر قوجه لو، قرية طورن طغان، قرية بايجلو، قرية يكيجه، قرية موسى چلبى، قرية صارو اسماعيل، قرية عادخان»

شهزاده سليمان بك وقفه سنده كى (قرية خوره) ، سلطان سليمانك وقفه سنده قارى يليا ناحيه سنده كى (قرية بالى تابع م) دن ظن ايديليركه (بالى، خوره) بربرينه متصل ايكي قريه دن عبارت اولوب ابتدا بر ايكن، صوكره ايكي قريه اعتبار ايديلشدر. شيمدى شو ضبط دعوا صورتيله شوقراى موقوفه آدلرندن استدلال ايدرك ديه بيليرزكه اورخان غازى مخدومى (رحمان بك)، بوبوك برادرى وارديو سردارى (سليمان پاشا) ديمككه مشهور (سليمان بك) له برابر ايلك روم ايلي به كچن غازيلردندر. اوغوز خان اوغللىرى (موسى، صارى مصطفى) چليلرده بونلردندر :

صوكره (موسى چلبى)، اردوده غائب اولان طورى آتتى، عمزاده سى اولان رحمان بكك النده بولديغنى قاضيه مراجعت وبالينه اثبات ايدوب حكماً آلمشدر. اكر بونلرك آراسنده قرابت ونفوذ اولماسه يدى، نه قاضيه مراجعت ايديله بيلير. نه ده اثبات وحكمك بر تائيرى كورولوردى.

بوراده شو ضبط دعوانك صاحب ترجمه علاء الدين و برادرى اورخان بكلك اولادينه عائد اولديغنى قبول ايديه بيلمك ايجون دقت ايديله جك بر نقطه واردر. بوده شو كتابك هانكى تاريخه عائد اولديغنى وبوضبطك اورايه نه زمان يازلديغنى اوكره نمكدر.

غنية الفتاوى، كرك بوكتابك ديباجه سنده وكرك كشف الظنونك علم فتاوى قسمند مسطور اولديعى اوزره بدرالدين ابوالحامد محمود بن احمد بن مسعود القونوى مرحومك تأليفاتنددر ۷۴۰ تاريخنده تأليف ايدلمشدر.

کاتب چلبی « انه علقه تذکرة لاخته الشيخ الامام ولی الدین محمد بن حسین القیر شهرى فی ذی القعدة (۷۴۰) اربعین و سبعمائة بدمشق المحروسة » (کشف الظنون ج ۲ ص ۶۷) عیاره سیله فقیه مشارالیهک بوکتابی برادرى یعنى تلید خاص مشهورى ولی الدین محمد بن حسین قیر شهرى نامنه (۷۴۰) سنه مى ذی القعدة سنده تألیف ایتمش اولدیغی یازیور.

شایان دقتدرکه ولی الدین محمد بن حسین قیر شهرى، صدور علمای عثمانیه دن اولدیغی کبی برادر وتلیدى اولان الشیخ مجدالدین رمضان بن حسین قیر شهرى ده صدور علمای عثمانیه دندر. حتی بوشیخ رمضانک مخدومی جمال الدین محمد چلبی ده صدور علمادندر. بونلری بیلدکن صوکر بوکتابک نه زمان عثمانیله کلدیکنی آ کلامق کسب سهولت ایدر.

بونى آ کلامق ایچون بوکتابک او صحیفه سنده او ضبط دعوانک اوستنده آیری بر قلم تعلیق ایله شو عباره یازیلیدر : « ولد على انبة الله نباتا حسنا فى يوم الاثنين فى اواخر ايام الحسین وسابعه عشر من الشهر الجمادى اولى فى تاریخ سنة خمس وثلاثین وثمانمئة »

بو عباره کوستریورکه « ۸۳۵ سنه مى جمادى الاولاسنک اون یدنجی بازار ابرتسی کوننده وخسین اواخرنده علی دوغمشدر ». عجبا بو کیمدر؟ بونی ده کتابک باش طرفده دیباجه مى ارقه سنده عین قلمله یازیلش اولان شو عباره تعین ایدیور : « دخل فى نوبة اذل عباد الباری محمد بن یوسف بن محمد القناری » و بونک یوقاریسنده « من ودایع الدهر عند الفقیر الى الفی العالمی یوسف بن محمد بن علی بن یوسف القناری »

شو عباره لر دلالت ایدیورکه بوکتابی آل قناریدن ابتدا محمد بن یوسف بن شیخ الاسلام محمد قناری آتش ، بونک الله ایکن برادرى (علی بن یوسف) دوغمش ، اورایه بوعلینک تاریخ تولدینى یازمشدر .

بوعلى بن یوسف ، ۹۰۲ ده وفات ایدن قاضیمسکر قناری زادی (علاءالدین علی چلبی) در صوکره بوکتابی الله ایدن (یوسف بن محمد بن علی بن یوسف) ده بوقاضیمسکرک حفیدی (یوسف شاه چلبی) در .

بوکتابک هانکی تاریخده یازلدیغه دائر صوکنده برصراحت و اشارت یوقدر.

آنجاقدىباجه سى آرقه سنده ، يوقا ريده يازيلان عبارده لرك آلتنده شو وثيقه لرك شايان دقتدر . « ملك الفقير الى الله الغنى على بن محمود بن السراج » صوكره آز فاصله ايله بوعبارده نك آلتنده « ثم تملك العبد الفقير الى الله الغنى من ولد المدعو بعلاء الدين والدنيا » اچيق براقيلان يرده يازى اولدينى آ كلاشيلور ايسه ده مع التأسف سيلنمش ، صوكره قازينمش اولديغندن بردورلو اوقونامبور .

برنجى عبارده ده كى (على بن محمود بن السراج) مؤلف كتابك مخدومى اولديغنده شبهه يوقدر . چونكه عين كتيبخانه ده موجود اولان (جواهر المضية فى طبقات الحنفية) ده مؤلف مشارالیهك (ابن السراج) كنيه سيله مشهور اولدينى وترجه سنى يازيور . ابن حجرده (علاء الدين على بن محمود) ك ترجمه سنى يازيور . ايكنجى عبارده ده كى (علاء الدين والدنيا) بوعلاء الدين على بن محمود بن السراج اولسايدى ، حك وسيلتى به حاجت يوقدى . اسمك سيلنمشى ، علاء الدين والدنيا يازيلمشى ، هر حالده سياسته اسمك حك ايدلمسنة لزوم كورولن بر سىماى تاريخى اولديغنه دلالت ايدى بيلير . اوتهدن برى سلاطينه (علاء الدين والدنيا) امر او علمايه (علاء الملة والدين) يازيلق عادتدر . بونلردن استدلال ايديورم كه علاء الدين والدنيا صاحب ترجمه علاء الدين بكدر . اسمى سيلنمش اولان سىماى تاريخى ده بونك اولادندن بيدر . شو حالده بو كتابى ، ابتدا علاء الدين بكك اولاددن برى تملك ايدى لرك اولادينه قالمش ، فقط (۸۳۱) هائله سنده علاء الدين بكك اولادندن اولدينى شبهه سز بولونان (خضر بك بن تيمور اسماعيل بك) اعدام اولندقدى بو كتابك آل قنارى به انتقال اينمش اولدينى آ كلاشيلير . مع هذا شو وثيقه ده اسملى مذكور اولان رحمان بكك اورخان بك ومصطفى وموسى جليلى كه ده علاء الدين بك اولادى اولدقلىرته دائر ايكي وثيقه الده ايدىلنجه به قدر شو معروضاتك بر احتمال تاريخى اولماسى لازم كليز .

(بيتمه دى)

مصين مصام الدين